

北洋官報

目錄

宮門抄
交旨
奏議○及支部奏議覆濟南等處商半經費摺△學部奏
編輯國民必讀課本簡易識字課本摺△理藩部奏蒙
藩創建殖邊學堂摺
公摺○憲政編查館咨四件△礦政局詳一件△禁煙局
札一件△和鄉縣票一件
文告三則△電報六則△新聞十三則
彙編○熱河奏定承審命案功過暫行章程△又承緝盜
案功過暫行章程
戊申官報目錄

本局增刊戊申官報限目錄一頁
本局第八十期政法學報已出

宮門抄

正月二十一日 吏部 翰林院 廂黃旗值日 奎元 存鍾授委散秩大臣謝 恩 汪榮寶假滿請

安 內務府奏二十三日祭 奉先殿德茂行禮 吏部奏派驗看月官 派出陳邦瑞 王墉

熙彥 吳郁生 恩順 張英麟 伊克坦 劉若曾 茹泰 徐謙 王金鎔 崇興 史履晉 貴秀

江春霖 涂國盛 召見軍機 肅王 陸潤庠 唐景崇 瑞良

交旨

正月二十一日軍機大臣欽奉

諭旨二月初一日 大行太皇太后几筵前 大行皇帝几筵前行百日禮均由 監國攝政王代詣行

禮欽此

諭旨吏部奏 大行皇帝梓宮奉移 山陵是否請派隨 駕之滿漢文職大臣一摺著毋庸請派餘

著照所請辦理欽此

諭旨民政部奏整頓京師內外城警政酌改廳區開單呈覽一摺依議欽此

奏議錄要

度支部奏議覆直督等奏濟南等處商埠經費不敷請 飭撥借摺

旨議奏恭摺仰祈

聖鑒事直隸總督楊士驥等奏山東濟南等處商埠經費不敷請飭撥借以濟

要需一摺光緒三十四年十二月初四日奉 旨度支部議奏欽此欽遵由內閣抄出到部原奏內稱據辦理濟

南商務總局候補道朱鍾琪詳稱伏查濟南商埠開辦已屆三年界內工程各商埠總局巡警局審判公所汽機房

市房存貨行棧迎賓館及馬路等均次第建設此外如購回德領事房屋地基及置辦礮路機器招練巡警開掘井

泉雖亦略具端倪然猶亟宜推廣現在貨品轉輸日見暢旺洋商之訂租地畝者固不乏人其資本淺薄者每以埠

界無屋可租雜居城市茲值嚴定新章照會各國領事凡外國商人概不准在城隍居貿易此後一律遷徙則市房

行棧均宜添造此建築之宜推廣也大馬路歲久失修重車碾壓漸多窪陷若再不修他日需費更多將同另築二

馬路雖經修竣應添修橫馬路數條以便往來此修路之宜推廣也津浦鐵路已漸次興工車站亦設埠內他日洋

商行旅皆出其途其繁盛情形無待著卜則公園菜市衛生院等工非特視聽所關要亦主權所屬不得不先時籌

度則續購地畝三分之二續遷墳塚五分之四需款尤殷此購地之宜推廣也種種急需省無可省而先後兩次奉

撥膠關稅銀二十九萬餘兩已將次用罄萬不能輟工待款惟有仍請於膠海關六成洋稅項下再行撥借銀十萬

兩一俟設關後收有稅捐即便如數歸還等情查濟南商埠事關重要經費異常支絀待用孔迫且與蘇杭長沙等

埠情形不同亟須籌撥自係實情仰懇 敕部再由膠關六成洋稅項下撥解銀十萬兩一俟收有稅捐再行如

數撥還仍由臣等督飭局員隨時核實動用分晰造報等語臣等伏查濟南開辦商埠前經臣部於第一次請撥經

費案內在膠海關征收稅款撥給銀十九萬一千餘兩嗣又於第二次請撥經費案內在膠海關六成洋稅撥給銀

十萬兩均經先後奏咨在案合計兩次共撥過銀二十九萬一千餘兩誠以濟南雖已開埠一時尚不設關無稅捐

可收其情形核與蘇州長沙等處開埠設關同時並舉者微有不同所需各項經費自難比照蘇州長沙開埠成案

概令本省自行籌墊是以量予變通除常年經費仍令本省自籌外其有關於開辦時所用者一經請撥無不勉為

應付俾濟要需茲復據直隸總督等奏陳前撥經費將次用罄並歷舉建築行棧添修馬路以及購地遷墳在在均

宜推廣請再由膠海關六成洋稅項下撥解銀十萬兩意在次第經營俾要工日臻完美自應准如所奏在膠海關

六成洋稅再撥給庫平銀十萬兩統俟該埠設關後由所收各項稅捐照數提還歸款仍由該督等嚴飭局員撙節

動用核實報銷以重款項至前項所撥經費原以開辦時需用者爲限其有用款應歸入常年經費者便當照案由本省籌措卽如馬路一項建造工程應動支開辦經費若歲修工程卽當另籌常年經費不得再由開辦經費內動支始不至與原案相歧原奏以大馬路歲久失修亦列入此次推廣各項工程之內界限殊未劃清仍應令各歸各款分別支用庶有條不紊將來全案報銷亦覺便於稽核所有臣等遵議緣由理合恭摺具陳伏乞皇上聖鑒訓示遵行謹 奏光緒三十四年十二月二十八日奉 旨依議欽此

學部奏編輯國民必讀課本簡易識字課本大概情形摺

奏爲陳明編輯國民必讀課本簡易識字課本大概情形恭摺仰祈 聖鑒事竊本年八月初一日內閣奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨憲政編查館資政院王大臣奕劻溥

倫等會奏憲法議院選舉各綱要暨議院未開以前逐年應行籌備事宜一摺將來編纂憲法及議院選舉各法卽

以此作爲準則至單開逐年應行籌備事宜卽責成內外臣工依限舉辦每屆六個月將籌辦成績臚列奏聞等因欽此謹按單開第一年臣部籌辦之事爲編輯國民必讀課本簡易識字課本仰見 朝廷以道覺民興學成俗

之至意欽佩莫名竊維編定此項課本其宗旨在使人人皆知人倫道德及應用之知識爲主宗旨必須純正事理亦期通達要在簡而不陋質而不俚始爲合用臣等受 命以來先集坊間所出各本詳加核閱綜其大端蓋

有數弊事多假設不能徵實其弊一也雜列名詞無復抉擇其弊二也方言詭語不便通行其弊三也文義艱深索解不易其弊四也方言異說惑亂人心其弊五也今茲編定課本必先祛此五弊前經派令臣部圖書局審定科各

員本此宗旨酌擬辦法先編凡例各抒所見以備採擇旋據各員先後呈稿臣等審籌熟計至於再三竊以爲簡易識字課本所以教年長失學之愚民與寒賤之家力不能入初等小學堂者之子弟期於日用尋常可以應用其文

字淺深次序大致由單字進於短句短文所選教材無取精深卽就倫常日用易知易行之事物教授之俾其卒業以後能再入學校固善卽無力更求深造亦可藉以謀生不至流於邪僻惟是寒賤之家肄學年限不能預定勢難

以一種識字課本限之謹擬編爲三種其第一種識字課本凡道德知能之要象數名物之繁詳徵約取備著於篇約三千二百字期以三年畢業第二種識字課本則於第一種課本中去其理解稍高深事物非習見者約減爲二

千四百字期以二年畢業其第三種識字課本但取日用尋常之字目前通行之文約之再三定爲一千六百字實屬無可再減期以一年畢業令小民自爲忖度擇其力所能至者肄習之庶可免半途自畫之譏漸致凡民入學之盛此編定簡易識字課本之大略也至於國民必讀課本較簡易識字尤爲重要顧名思義似應敬輯

列聖

論旨及聖賢經傳以示標準而資遵循謹編爲二種課本一種理解較淺範圍較狹徵引書史較少其天姿較高者期以一年畢業遜者一年半畢業一種理解較深範圍較廣徵引書史較博其天資高者期以二年畢業遜者三年畢業其編輯之法擬各分上下二卷上卷慎采經傳正文以大義顯明者爲主兼采漢唐宋諸儒之說以證明之正文之下附以按語凡羣經大義切於修身之要者前史名論益於涉世應事之宜者以及諸子文集外國新書於今日國家法政世界大局有相關合者皆爲今日應用之知識均可擇要採取推闡發揮以淪其智慮拓其心胸下卷敬輯

列聖諭旨凡有關於制度典章之大者慎爲輯錄仿

聖諭廣訓直解之例敬附解釋俾

易領會蓋有

聖訓及經傳大義以堅定其德性復有解釋發明以開濬其知識既合古人正德厚生之教更

符近世德育智育之法庶幾鄉曲愚氓皆明於忠君報國之義而識字較多智識較靈並可藉以爲謀生學藝之資矣此編輯國民必讀之大略也竊維此項課本關係極重爲人心風俗之本原教育普及之樞紐不可稍緩之舉而稽之載籍古無其書采諸異方未適於用深恐稍有疏舛貽誤全國人民惟坊間所編既多流弊臣衙門各員所擬亦未能遺臻精善用是稍稽時日未能速成現經臣等博訪通人多考成式手定體例隨時商榷本月內甫經商定辦法此全國學術初基所係臣部職任所關不敢不再三審慎務求妥善適用一俟編輯成書先在京師地方教授數月如果易簡理得士林稱便再由臣部奏明請

旨頒行各省一體遵用是否有當伏祈

皇上聖鑒謹 奏光緒三十四年十二月二十八日奉 旨依議欽此

理藩部代奏蒙藩王公等創建殖邊學堂摺

奏爲蒙藩王公等創建殖邊學堂懇爲代 奏恭摺具陳仰祈 聖鑒事竊據 御前大臣喀爾喀扎薩克和碩

親王那彥圖科爾沁輔國公博迪蘇扎薩克和碩博多勒噶台親王阿穆爾靈圭奈曼扎薩克多羅達爾漢郡王蘇珠克圖巴圖爾科爾沁多羅貝勒阿勒坦鄂齊爾喀拉沁多羅貝勒熙凌阿土默特固山貝子棍布扎布科爾沁輔

國公達賚喀爾喀公衙頭等台吉祺誠武等聯名呈稱竊維防邊之策以周知情勢爲先禦侮之方以未雨綢繆爲亟蒙古遠在藩服藏衛僻處西陲俗異中華未嘗考究然其間山川物產歷史風俗非竭數年稽古之力加以實地調查未能得其要領上年學部奏設滿漢文高等學堂蓋亦體察邊情儲材備用而滿蒙文高等學堂本科修業年限五年學生成就稍遲似應設一專校以較短之時日養成多數之人才庶足以應急需而敷分布爰函商沿邊將軍都統督撫等擬在北京設一學堂竊取殖民籌邊之意名曰殖邊學堂堂中分蒙部藏衛兩科除授以蒙藏語言文字及擇要教以法政理財科學外其蒙藏地理歷史學部現無審定課本擬延聘通才就兩處古今沿革情勢利害關係編爲講義並授以農工商各實業大意使知蒙藏有極大利源應從速相機規畫殖邊學堂創始之際需款浩繁業經察哈爾部統認助辦經費銀四百兩庫倫辦事大臣認助開辦經費銀五百兩山西巡撫認助開辦經費銀二千兩直隸總督認籌常年經費銀二千兩東三省總督認籌常年經費銀二千兩四川總督認籌常年經費銀一千兩綜計不敷尙鉅仍當隨時設籌已於宣武門內關才胡同擇地建築講堂學舍計房三十餘間聘定教員商訂課程堂中分蒙部藏衛兩科每科擬招學生一百名不分京外滿蒙漢凡年在十八歲以上三十二歲以下考取漢文清順身體強健之人如能滿文蒙文尤爲出色入學肄業限以三年畢業此項學堂專爲蒙藏取才起見係屬特別辦法不在奏定學堂堂程統系之列將來畢業獎勵並無專條可否由理藩部考覈學行如屬可取酌量奏予獎勵或歸理藩部錄用或由沿邊將軍大臣督撫調用實於蒙藏邊務不無裨益敬乞代奏俟奉 旨後卽招生開學以期早開風氣培育通才所有認助常年經費之直隸奉天吉林黑龍江四川五省並乞鈔奏咨明俾得按年接濟庶足以廣甄陶而維久遠並請發給鈐記以昭信用等因呈報前來查該蒙古王公等首先提倡創立殖邊學堂代籌鉅款力任其難洵屬熱心教育知慮閎深開辦之初規模已具畢業之後成效可期覈其內容與臣部奏請擴充之蒙古學同爲教養邊才栽培部員之意該學所擬三年卒業由臣部考覈錄用一節臣等公同商酌事尙可行擬於三年卒業調部大考優取者給以文憑其中如有學業出羣志趣超邁之士或由臣部酌量咨留或由沿邊各路將軍都統大臣督撫咨調量材器使俾實學之人不致向隅而各路將軍都統大臣督撫亦可收得人之效如蒙 俞允一俟 命下卽由臣部咨劄遵行並刊刻殖邊學堂木質鈐記一顆頒給以昭信用所有蒙藩王

公等創建殖邊學堂請頒鈴記並俟畢業擬由臣部大考給以文憑各緣由理合恭摺代陳伏乞
皇上聖鑒訓示謹 奏宣統元年正月初九日奉 旨依議欽此

公牘錄要

憲政編查館咨覆京旗諮議局籌辦處選舉事宜仍宜遵章詳細調查文

爲咨覆事准管理京旗諮議局籌辦處事務值年旗王大臣咨稱據本處總辦雙凌等呈稱職等詳細尋繹原章程所載被選舉各項資格外省易於舉辦京旗略有不同擬請將京旗候補候選人員歸入曾任實缺一項內一體選舉並將京旗不同之處逐款聲明請咨行憲政編查館查核示覆等因前來查款內所開各節自係實在情形惟選舉各事皆扼要於調查本館奏定諮議局章程時亦知各項資格皆屬不易清查不獨京旗難辦外省之府廳州縣尤爲棘手故議員選舉章程第十七第十八第十九等條皆列調查方法京旗固屬散漫無紀至辦理公益及學務人員當自不少舉貢生員無論是否曾在學堂畢業除不滿二十五歲者外仍應詳查列入選舉簿五千圓營業資本八旗誠屬無多而不動產之土地房屋所在皆是應仍各宜遵章詳細調查不使漏略方屬妥洽至旗人在各部院衙門當差官員本非本省官吏自不在限制之列惟八旗官員應以叅佐正印人員爲限照本省官吏停其選舉及被選舉權其餘無論實缺候補候選但合諮議局章程第三條資格之一者均得有選舉及被選舉權本館前覆杭州駐防沁電亦即略同此意總之選舉事屬創始辦法極爲繁難惟有切實調查方足以昭公允而維選舉相應咨行貴處查照飭遵可也須至咨者

又通行各省刊印咨覆詢問諮議局章程分咨備攷文

爲通行事光緒三十四年七月十七日本館通行奏定諮議局章程文內聲明諮議局關係重要選舉事宜尤屬創辦此次所訂章程頭緒繁多條文細密各省如有疑義應隨時咨詢本館以便詳爲解釋俾免歧誤等因嗣據各省陸續咨電詢問各項疑義業經本館隨時咨覆各在案查此項咨覆各省自應一律按照通用免涉紛歧茲特刊印成本分咨各省以備參考嗣後續有咨覆仍隨時通知相應咨行貴督撫查照通飭遵辦可也須至咨者

又咨取各部院現行官制奏案文

爲咨行事照得本館奏定議院未開以前逐年應行籌備各事一摺業經奉
旨欽遵通行在案所有本年籌
備事宜其釐訂官制一項係由本館會同會議政務處辦理查各衙門官制於光緒三十二年有經總司核定官制
王大臣奏定者有未經總司核定官制王大臣奏定者嗣各衙門均有自行核擬奏請變通之處本館刻屆釐訂京
師官制期限急待彙考應請將迭次奏案各檢齊十分於十日內咨送到館將來如有續行奏改亦即隨時查明本
館以資考核相應咨行貴部院查照辦理可也須至咨者

又咨各省調查事件應隨時編訂送館不必待統計表式文

爲咨明事光緒三十四年十二月初三日准東三省總督奉天巡撫咨開省城設立調查局開辦情形前經咨明在
案現據司道及府廳州縣各衙門呈報統計處均已次第成立惟未奉到頒發表式所有調查各事無從填報咨請
速將表式頒發等因查本館奏定各省調查局辦事章程第十條凡調查局調查所得之件應按類編訂呈由本省
督撫咨送本館第十二條統計事項按照本館所定表式飭各衙門添設統計處分別列表彙送調查局各等語是
調查事件與統計事件應分兩項辦理統計所辦事宜應候本館頒定表式而調查所得事件本兼法制統計兩項
在內應即隨時按類編訂咨送本館不必盡待表式且統計事件亦須以調查事實爲先務現准各部先後送至表
冊均係照此辦理除督飭館員先將核定統計表式對日奏請頒行外誠恐各省調查局調查事件或有停待稽延
合即通咨照辦以符原章而免誤會除咨覆外相應咨明貴督撫查照辦理可也須至咨者

礦政調查局詳李敬修等開辦小惠山糖土礦產應照何項礦質納稅請咨部核定文並批

爲詳請事案奉 農工商部札開案據商人李敬修等稟請在昌平州屬馮山村西北薄山小惠山望兒陀山等處
開辦糖土礦當經本部札行順天府轉飭詳查該商等開辦糖土與地方有無妨礙並飭該商等自行指定一處先
行開辦等因去後嗣據覆稱該商等開辦糖土與地方並無妨礙已指定小惠山一處先行開辦等因其保單照費
均經呈送到部業由本部批准給照承領合行札飭札到礦政調查局遵照可也此札等因奉此查李敬修請開之
昌平州屬糖土礦產既經查明奉飭准其開辦所有稅租等款自應照章飭其輸納職道等詳查礦務章程第十一
款所載甲乙丙三款礦質並無糖土名目無憑照辦此項糖土究應歸入何項礦質徵稅似應詳請 憲台轉咨

農工商部核定俾便遵循是否之處理合具文詳請 憲台俯賜查核批示並乞轉咨 農工商部核覆飭遵實爲公便

督憲楊 批據詳已悉候咨 農工商部核覆飭遵繳

直隸禁煙總局札鹽山縣文

爲密札事照得本局遵照 政務處 奏定章程給發吸戶牌照爲稽核實數按年遞減起見如有吸戶不領牌照而吸煙者照章從重罰辦至開燈煙館尤爲地方之害無論有無憑照牌照皆不得影射開燈賣煙業經本局迭次曉諭不啻三令五申嗣奉 帥諭雷厲風行復經本局派員四出偵訪茲據調查員報告該縣境內不肖商民仍有開燈賣煙及吸戶不領牌照任便吸煙情事竟至一百四十餘人之多該縣身任地方之責何以置若罔聞殊屬藐違 功令若非嚴行查禁何以儆刁頑而期實行除仍派員密查外合亟札飭札到該縣立即按照單開各家確切查明分別封禁具覆須知現奉 度支部 奏定牌照捐辦法 功令綦嚴該縣如再置若罔聞故意徇縱本局惟有遵照定章詳請揭參決不寬貸懷之切切特札

柏鄉縣馮令汝驥稟勸學所擬挪用倉穀生息文並批

敬稟者竊查辦理勸學所照章須籌的款不得常從高等小學堂挪撥支借今卑縣勸學所毫無的款一切應用均由高等小學堂撥給地彼注茲殊形支絀以致諸事遷就未克擴充因此民智不開事多阻滯必須將近日新政利益做黑白話報式演成白話刷印紙片由勸學員分送各村令村正副在鄉間時常演說與勸學員相助爲理方可開通民智遇事易從無奈柏邑地瘠民貧款項難籌是以遲遲總未舉辦現經卑職與勸學員等確商查有出糶倉穀成本自本年五月二十三日發商生息起至年底止約可得息制錢五百三十千文擬將此項餘利暫歸勸學所以及創辦白話報挪用一面仍當趕籌的款以爲經久之計其積穀成本已有制錢九千一百餘吊再加明年數月之息俟至秋後穀價平和足可如數買穀還倉似此移緩就急暫且通融於倉穀毫無所損而學務已可藉資整頓矣是否可行理合稟請 大帥核奪俯賜批示祇遵肅此敬請 勛安伏乞 垂鑒

督憲楊 批據稟已悉仰藩學兩司核議詳覆飭遵繳

文告錄要

督憲批示錄要○滄洲陳鈺稟平糶減價并掣局開局日期由 批據稟已悉仰賑撫局飭俟平糶完竣迅即造報

繳○南宮縣朱貞保稟自治學社經費將來改爲董議會費由 批據稟已悉仰自治總局核飭遵照具覆并分

移查照此繳○大名釐金局稟二十四年釐金收數短絀情形由 批據稟已悉仰大順廣道查照飭知仍飭實

力整頓期有起色以裕工需繳○甯津縣張琨等稟散放各災村冬撫貧民戶口及銀易錢文各數目由 批稟

摺均悉仰賑撫局查照飭知繳○萬全縣饒令懷義稟卑縣北區巡警傳習期滿畢業請照章繳飭委員來縣考

驗由 批據稟已悉候行警務處查照定章派員前往該縣彙考具報此繳

學台批示○東光縣高等小學教員祝永圖懇請派差一案 批據稟已悉仰候另派他處○保定師範畢業安州

張蘭馨稟意見不合懇請改派他處一案 批據稟已悉俟有相當學堂再行核奪委派○房山縣高小教員威

縣李恩澤稟明辭退存案一案 批據稟已悉房山縣高小教員遺席已另委他人接充矣此批○保定師範畢

業獻縣唐汝勳稟酌量改派以盡義務一案 批稟悉昌黎高小教員遺席已委他人接充矣此批

保定商務總會牌示○爲牌示事照得宣統元年正月十五日奉 農工商部札開爲札飭事據直隸農務總局詳

稱光緒三十四年農務總會辦理各項事宜如推廣農林並蠶桑勸種美棉及藍靛等類現在禁種罌粟民間驟

失厚利若不設法補救匱乏堪虞茲擬舊種罌粟之地悉令改種藍靛已經著有成效土性相宜獲利亦相等擬

請通飭各省一律照行實爲切要等語又據直隸農務會稟稱蠶桑利源極大飼養最繁惟另有一種野蠶俗名

山蠶放養山中柞樹之上最爲簡易以土地論則僅需山場以勞力論則婦孺所能以資本論則所需不過繭種

出蛾後一律出絲於木金毫無損失種種便利較種桑飼蠶尤爲特別第事關地方會員提倡力究微薄仰懇通

行飭辦則實業振興裨益非淺所有列表呈報考驗山蠶成績緣由理合將所收蠶繭各樣具文申送查核

施行等情前來查該農務局農務會稟陳以種蠶粟之地改種美棉藍靛並於養山蠶各節其事簡而易行若能

相其土宜推廣照辦於實業前途洵有裨益合行札飭札到該商務總會即便遵照傳知農民切實仿辦並轉知

電報錄要

路透電○南非洲各處現將立憲草案議妥擬設總理一員議院一處議事會一處每處均改爲行省添設執法官員由歐人充當并以英和兩國語言爲官話

又電○唐欽使現在英京於禮拜日在道寧街與英大臣卓爾智氏晤談甚久

又電○德法兩國對於摩國議訂之約現在柏林簽字德國允許法國在摩國有執政之權法國亦允許德國得工商特別之利益

柏林電○土政府反對俄國以財政干預近東交涉聞俄土兩國必因此事再行定約俄國駐土公使照會土政府謂土國反對之事俄國現在決不認可

又電○義國議院於西三月七號選舉議員

又電○德國北德官報著論歡迎英皇德國各報亦甚歡迎并謂英皇此次來德非關政治問題當英皇進柏林時各街人民甚爲擁擠德京邑長在布蘭丁伯克門歡迎英皇以德語答稱德國人民歡迎予甚滿意

新政紀聞

政治

恩賞旗員官秩○正月二十日軍機大臣欽奉 諭旨奎元存鍾均著賞給委散秩大臣特和圖恩偉功均著賞給頭等侍衛在大門上行走欽此已片交各該衙門欽遵矣

札飭劃清投票區域○江蘇松江府廐太守接奉蘇垣籌辦處札文略謂此次選舉調查規則江陰爲最而投票區域溧陽爲最其餘均不免混雜轉瞬二月初二複選期迫應即飭各屬一例將投票區界限劃分清楚統限十五日

日止從速造報刻因蘇滬電綫中斷故仍由驛轉遞

籌辦調查選舉事宜○湘省諮議局籌辦處各司道日前詳明岑堯帥略謂查本處籌辦一切事宜係屬創舉條緒繁縷其調查選舉且係各屬同時並辦全在聲氣相通方免辦法紛歧就現時省內外情形而論官與官自可接洽而紳與紳無可聯絡自非於各府各直隸州分設參議不足以備顧問而資和協本司職道等公同商酌擬飭

由各該守直牧選請本籍公正明達紳士充任名譽參議隨時隨事得與本處直接通函互相參酌俾免隔閡而收廣益集思之效商諸會辦各紳士亦皆衆論僉同等語當奉堯帥批云如詳辦理仰即轉飭遵照

學務

限期考送法政學生○江蘇松江府戚太守奉樊學使電飭上年十二月二十八日准京師法政學堂沁電明年豫科添班准部示改名補習科專選各中學堂畢業生視東文程度分別補習一二年升入正科已能直接聽講不補習限於三月初十日前到京選定後先電覆等因除分行各中學堂如有畢業生願入該學堂限於正月二十九以前該地方官申送來轅隨帶文憑照片聽候考驗逾期概不補考毋得自悞聞學費每月二元膳宿費每月七元

中學招收新生○浙省嘉興中學堂正科一年級尙有缺額須添招三十名又預科招生四十名已由嘉興府飭屬一體出示曉諭矣

軍政

陸軍學生發省委用○此次留學外洋各陸軍學生回國經陸軍部奏請照章考試分別等次授以副協軍校等官查此等副協軍校係按照奏定陸軍官階三等九級之制現部中復擬奏請將業已授官學生請旨發往各省委用已咨照各省矣

攤扣新製軍服費○督辦緝捕清鄉蘇藩瑞方伯以所部各營軍服章制前經通飭分統管帶哨弁各分等級按照頒發核定服制依式製辦以歸一律等情已誌前報茲經鹽捕營務處陳游戎議定正哨官軍服每套六元副哨每套五元五角槍長每套四元二角此項軍服以十八個月作廢每月攤扣十八分之一遇有更替則將此項軍服移交按月扣算如不願移交者聽但須將軍服上袖章鋪扣拆繳管帶收存以符定章而昭慎重云云業已詳請方伯分別飭遵

財政

議會全省財政○浙撫增中丞前飭司妥定通行整頓財政章程二十二條於宣統元年元月一律實行並通電各屬局卡飭令自行檢舉和盤託出限年內電覆等情已詳前報茲悉去年遵飭電稟者僅六府屬十餘局其由釐

餉局轉稟者亦十餘處其餘概未覆到中丞特定期本月十六七八三天在釐餉總局會同司道暨在省各釐員集議辦法每一局卡除總辦委員外司事均改爲書記生派員考試約分四等頭等月修四十元二等三十二元三等二十四元四等十六元其餘酌派法政學員總司稽核

土藥徵稅辦法○汴省土藥統稅局以徵收本銷一項前經分屬派員會同印官卡員分投辦理嗣據各該員陸續填表會稟復經本局分別飭由印官卡員徵收在案惟本局報銷冊籍較繁填用單照印花一有錯誤勢難往返更正各州縣公務較多代辦本銷已屬共擔義務若不務從簡易誠恐有悞要公而各該卡既係本銷亦應事歸一律由本局酌量凡屬本銷稅款概用本局所發收據爲憑按月造冊申報本局再由本局飭員按照各屬所繳存根每屬彙填稅單一張以憑彙册報部其印花既無需貼用即可不填以示與報稅外銷之士有別並定收款報解緝私辦法數條通飭各州縣遵照辦理

札飭籌議收捐辦法○湘撫岑堯帥札飭巡警道暨善後牙釐兩局文云照得省垣北門外上自瀏渭河下至碧浪湖現經挑浚新河培築兩岸以便停泊船隻將次竣工亟應妥籌經理冀垂永久查兩岸既經修築凡屬公地應即派員經理劃分界限以杜侵越此外如有應用地段或租或購亦須早爲籌計鐵路方興租界新立附近一帶將成繁盛之區所有一切修造應歸程式商民雜處良莠不齊尤非開辦警察不足以保衛治安至河岸培補必有歲修開辦警察亦需經費均宜統籌預算酌收船房捐藉資挹注以爲維持永久之計事關創辦不厭廣集衆思務期悉臻妥善合行札飭巡警道善後牙釐兩局查照以上各節究應如何辦理悉心籌議或此外尙有未盡事宜亦即一併會商妥擬辦法稟候核奪

實業

興辦蠶桑實業○江蘇鎮屬丹陽縣吳王諸紳聯合同志組織蠶桑公社現已集得數千金派人赴湖州一帶購買桑秧趕於今春栽插

推廣林業之佈置○湖北農業學堂監督梅觀察以森林利益甚大查洪山一帶官地曠土極多特行議定擬派林務科員吳君秉初帶領學生六名前往研究土質應種何樹爲宜分別標誌以便清明前後舉辦云

熱河都統廷奏定承審命案核計功過暫行章程 (原摺已錄)

一定章相驗後五日通稟誠以當場勘驗原形具在衆目所觀不能掩飾屍親兇犯以及見證鄰佑一千人等不及串通訟棍無所用其幫扛書役無所用其教唆乘此得間而入最易識破真情卽摘其緊要情形據實稟報立案以爲將來擬結地步乃上以實求下不以實應其叙原報之詞非曰不知因何事被何人卽曰因某事與某人爭毆致傷某人身死其叙屍親鄉保之供率曰與報詞同其叙鄰證之供率曰訊供互異其叙兇犯之供率曰供詞狡展其叙屍傷率曰委係因傷身死而於身受何傷在何部位之分寸寬窄淺深骨之破損碎裂概不叙明種種含混專爲自留餘地而與立法本意實相刺謬嗣後稟報命案凡起衅情由務要詳盡供詞皆摘要點叙如有異同准以己意論斷屍傷照單直書務執定下手致命要害之處如有疑誤仍准隨後更正至通稟日期因公逾限准於稟尾聲明不准倒填坐日致干挨查以上各節一有違犯除駁查外仍將該員記過一次

一命案詳實格册各省通行之定章也熱河各屬竟有因犯未弋獲不填格實送者抑知人命以屍傷爲憑屍傷以格册爲准通稟時既不詳叙屍傷通稟後又不填送格册延擱數年抵命之人尙未弋獲被殺之慘亦無考查是視人命爲草菅矣嗣後一切命案除已經獲犯者仍歸初詳依限彙格外其未經獲犯者亦當遵照定例彙送屍格至遲不得逾兩月之限如報案已兩月仍未彙送屍格者除札催外仍將該員記過一次三月以上遞加

一各省辦理命案初詳備錄供招案而不斷獨熱河積習相沿多遲至分限屆滿纔發詳册卽行解勘詳到未及批示而人犯已逕解到省其中有情節支離引斷錯悞應駁飭另行審擬者若竟將犯發回則輾轉長途疏脫可慮若發局審辦則日形擁擠清理愈難嗣後務於解犯之前一月先發初詳並將引用何例擬何罪名加單聲明請示奉批再行審解加初詳期限因而不候批示逕行解省不駁則已一成駁審惟將該員調至臬局會審審後方飭回任仍記過一次

一各省解勘供招皆有定式熱河辦理初報與招册分爲兩截凡勘驗情形證佐供詞初報固備載矣而招册內則前半截不錄僅以通報在案四字了之及調初報與招册比對常有前半與後半互異者如姓名更變傷痕錯亂日月顛倒供看不符等弊不勝枚舉此皆由於一案分爲兩截安得不一案辦成兩歧嗣後招册內均宜先錄初

報錄畢接叙招册該道府於勸轉時若遇所屬來招未錄初報者詳請記過一次飭令補錄總期供看吻合再爲照轉並於正册外隨資毛册一本毛册係照正册謄寫毋庸蓋印

一各屬命盜應以光緒三十四年十一月初九日恭逢 恩詔以前之案爲舊案事在 恩詔以後者爲新案

舊案每府州縣每月應審解二起如能審解三起以上者每起記功一次不及二起者記過一次一起未解者記過二次新案兇犯在逃能於百日內緝獲者一名記功一次無獲者記過一次獲犯依限審解不准壓新積舊如逾限不解每案記過一次每月解審新案三起者記功一次三起以上以次遞加功過仍准相抵營汛無承緝命案之責如能緝獲逃兇每名審實亦准記功一次

一京控上控及命盜各案發交臬局委員審訊扣除提傳人證日期能於一月內審結者每起記功一次不能審結者每起記過一次功過仍准相抵 以上暫行章程如有應隨時變通之處仍請由奴才酌量增減咨部商權以便施行

又奏定承緝盜案核記功過暫行章程

一各府州縣訪聞某鄉某牌出有盜案無論事主投報與否立即知照營汛捕弁星夜馳赴失事地方會勘被盜情形查問賊黨多少來蹤去迹選派兵役跟蹤捕拿於一個月內拿獲盜首及殺人夥盜每名記大功一次拿獲未經拒捕殺人之盜每名記功一次一月外拿獲盜首及殺人夥盜每名記功一次拿獲未經殺人夥盜三名記功一次

一地方盜案定限十日內通稟如有無故違逾不報者記過一次兩月記大過一次三個月以上撤案其中有別項緊急事件應扣限者許其聲明至一月內拒捕殺人重案無獲記大過一次未殺人之案無獲記過一次疏防限滿無獲每案記過一次限外無獲每三月記過一次

一正印官既已議定功過則凡分州分縣分防巡檢均有地方之責嗣後地方失事亦應照正印官捕盜章程核記功過

一熱河全境巡防營並綠營捕盜營弁兵嗣後於該管地方失事該營官哨官均與地方官一體依限核記功過亦

又奏王汝賢等保案重複請改獎片
東督徐等奏查明江西省道府參款摺

二十五日

考察憲政大臣于奏普魯士憲法解釋要譯錄繕呈

覽摺

二十六日

學部奏酌改管理日本游學生監督處章程摺

學部會奏議覆御史俾壽奏請派子弟出洋學習工藝

摺

二十七日

度支部奏查明洋藥進口土藥出產及行銷數目酌擬

辦法摺

二十八日

郵傳部奏擬訂滙豐滙理兩銀行借款合同摺

二十九日

法部奏嚴議御史王履康請禁革官媒改設婦女待質

所摺

郵傳部奏擬仿直隸成法籌辦贖路公債摺

三十日

民政部奏各省巡警學堂堂章程摺

東督徐等奏江省創辦屯墾摺

十月初一日

郵傳部奏續行派員勘查各省鐵路摺

江督端奏江甯省城創建圖書館摺

又奏遵查江甯師範附屬小學堂借用祠宇摺

初二日

度支部奏核明銀行二案收支款目摺

川督趙奏遵籌勻定州縣公費摺

初三日

宗人府會奏議覆御史常徵奏疏通宗室仕途摺

直督楊奏創辦諮議局先立籌辦處選派官紳經理摺

又奏設立調查局及常年經費作正開銷片

川督趙奏擬裁分巡道缺增改巡警勸業兩道摺

又奏請以高增爵試署巡警道周善培試署勸業道摺

初四日

直督楊奏順直災區籌辦平糶賑撫摺

又奏東明黃河新出險工竭力搶辦添撥經費摺

江督端等奏甯蘇兩屬上下忙改爲征銀解銀另收公

費摺

初五日

學部奏請 欽派大臣會同嚴定游學專門各員摺

直督楊奏請以葉嗣高補遵化直牧摺

又奏上海日輝廠所出氈呢完納正稅免繳釐金片

初六日

學部奏耆儒碩彥擬送考博學鴻詞片

川督趙奏擬訂稅契章程摺

晉撫賈奏晉省土藥請一律禁種摺

又奏設立禁煙公所片

初七日

直督楊奏津海關百九十結洋藥釐捐支存名數摺

又奏北洋陸軍各鎮建蓋公所等款報銷摺

熱河都統廷奏勸明承德府屬黑河被水成災撥款賑濟摺

濟摺

護皖撫沈奏新設巡警勸業道酌給養廉公費摺

初八日

吏部奏變通滿蒙漢軍京外分發片

禮部奏變通裁缺人員補缺章程摺

川督趙奏設局試辦經征事宜摺

初九日

甘督升奏設立官銀錢局請 敕部立案摺

熱河都統廷奏熱河督銷官局試辦蒙鹽酌量變通摺

又奏建昌令陶藻華等勸禁種煙請獎片

初十日

禮部奏 萬壽禮儀摺

理藩部奏達賴喇嘛情殷祝 擬摺

東督徐奏舊藏 玉牒換用龍袂敬謹遵藏摺

督辦墾務大臣兼署綏遠城將軍信奏請以胡孚宸充

調查局總辦摺

十一日

文廟修工大臣會奏 文廟工程辦法摺

浙撫增奏本年留辦平糶漕米仍難補運懇准分年帶

運摺

十二日

吏部奏酌擬卓異人員錄用章程摺

法部奏總檢察各廳人員舉行 京察略示限制摺

又奏各項烏佈變通辦理片

東督徐奏請 簡放奉天旗務司使員缺摺

十三日

民政部奏公立內城貧民教養院援案請撥米石摺

直督楊奏永定河堵築漫口並培築新隄等用款摺

東督徐奏請以饒鳳璜等酌補應司僉事等缺摺

又奏添設諮議廳參事等員缺片

又奏委陸宗輿督辦東三省鹽務片

十四日

欲為諮議局議員者驗

總發行所 上海商務印書館
 館分設 京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任甚重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

天津商務印書館廣告

- ◎普通政法書 法學通論七角 法制經濟通論四角 政法理財講義五角 日本法制要旨一元 日本明治法制史五分 政治講義三角 法律經濟辭典布面七角 紙面五角 法規大全解字四角
- ◎憲法書 政治學及比較憲法論五角 憲法研究書一元 憲政論五分 日本憲法義解三角 日本預備立憲過去事實五分 立憲國民讀本三角 日本議會法規四角 議會政黨論五角 十六國議院典例一元 日本議員必攜八角
- ◎議會書 日本議會法規四角 議會政黨論五角 十六國議院典例一元 日本議員必攜八角
- ◎地方自治書 自治論七角 歐洲大陸市政論四角 地方自治財政論三角 地方自治淺說三角 此外政法書之尤重要者
- ◎法律 有日本法規大全 八十一冊 日本六法全書一元 比較國法學七角 國法學一元 行政法汎論一元二角 行政法各論一元 民法原論一元 政治 有別列國政要三十二冊 政治學一元 那特經政治學四角 政治汎論一元二角 萬國國力比較一元五角 嚴復社會通詮一元 嚴復羣學肄言一元 嚴復羣已權界論八角
- ◎財政 有經濟通論五角 理財新義五分 英國度支考四角 國債論三角 計學教科書一元 理財學講義四角 計學淺訓二角
- ◎教育 有日本明治學制沿革史五元 歐美教育實際二元 德國學校制度四角
- ◎警察 有警察講義錄五元
- ◎雜卷 較繁議員苟有餘力而兼治之則受益無窮矣 倘有諮議局章程箋釋四角 諮議局章程要義五分 諮議局調查須知五分 諮議局選舉須知一角 諮議局章程表解三分 尤人人所必讀無待贅言也 (河北大胡同電話五百二十六號)

北洋官報 第一千九百七十八冊 告白

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去職業已開機所出之灰據西洋化學師疊次
 考驗拉力俱高外洋之貨且機器加大出灰足敷主顧購用尚有製造
 之缸磚花磚洋灰瓦水溝管矸子土等項無論躉零售均均可本公司總理處
 設在天津英租界先農口對面並北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

日本最近政學調查記廣告

近來游歷日本冠蓋相望一書浩如煙海求其見聞確實鉤玄纂要者每不多觀膠州逢
 馥齋觀察承項城袁樞相之命赴東攷察政治游歷匝年於政治議會察裁判
 監獄軍事學務農林漁業鐵道銀行無不各有心得洞見源流是以載筆成書原原
 本本網羅無遺復經日本大隈伯爵高田博士贈以序文推其典麗翔實得未曾有自
 嘉應黃氏之日本國志德清傅氏之日本圖經外得此而三久爲各當道稱許現當
 預備立憲時代有欲研究政學者乎曷手一篇耶所印無多賜顧者請速購爲盼

寄售處

天津河北獅子林北洋官報局
新考工場內路南教育圖書局

及各大書坊

定價大洋一元四角

瑞林祥元記

本號開設（北京前門外鮮魚口）（天津估衣街中間路北）（山東濟南府院西路北）等處
 自置綢緞洋貨顧繡絨蟒花素貢絨絨緞各色抖蓬哈啞厚呢以及京廣什貨織絨綫貨各色
 俱全貨高價廉劃一不二中外紳商賜顧移玉是幸

瑞林祥元記具

京師自來水公司提前付給官利廣告

查本公司定章二月會議三月付利原為年終結賬贏餘紅利諸待核算現在創始工程正在開辦股東會尚未成立且未開市售水並無紅利可結現蒙 督憲按照奏案籌撥官款保息以昭大信業已如數撥到爰將各股東自交股之次日截至光緒三十四年年底所有應得八釐官利提前付給茲特與天津銀號商定代付官利辦法凡各股東有願在京城取息者不論當年初係在本公司交股或在天津掛號聲明以便知會所有願在外埠原交股取息者聽惟此埠股東或願改赴彼埠取息者須預先一個月到原埠掛號聲明以便知會指之處屆期照付免致不能接洽現定京城自正月十六日起外埠自二月初一日起請各股東攜帶息單分別到各該處支取息銀特此廣告再所有股票業於年前分寄各交股處倘有未經換取者請股東持收條迅速往換附以奉聞

付利處天津銀號住址

天津北馬路 張家口下堡大新店內
 北京東安門外 上海北市後馬路興盛棧內
 保定北大街 漢口永甯巷上首胡同昇首飾店對過
 唐山大街路南

天津銀號廣告

本銀號代辦直隸公債所有光緒三十二三十三三十四第一二三年各期應付本利銀兩業經照數分付並廣登告白各在案茲值本年宣統元年正月杪為公債第四年第一期滿給還本利之期凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各項稅捐已詳請 督憲照 奏准章程通飭各屬不准留難需索務即持票對取現銀毋得自悞再如有本埠上三年到期未經支取各票本利銀兩亦可至本銀號驗票續發特此佈告

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 日用雜貨俱全 學界文房用品 旋行攜帶等件
 精工裝身物料 定織各色氈氍 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啓

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

資格

保定法政學堂招考廣告

以文理明通身體強健確無嗜好年在四十以下之各省舉貢生監及候選人員為合格本省候補人員另由 各大憲考送不在

此內

遵照學部奏定法政學堂別科章程三年畢業

遵照學部奏定法政學堂別科課程辦理

遵照學部奏定法政學堂別科畢業獎勵章程辦理

每年按月收學費洋銀叁圓分兩期繳納均於開學之先繳齊不

在堂食宿操衣靴帽由堂代辦由學生備價有能照式自辦者聽

入堂之先外省人取具同鄉官保結本省人取具確實舖保並繳

保証金二圓

自正月十六日起在保定藩署本堂報名隨帶四寸像片一張自

書姓名於上無像片者概不收考限本月底截止二月初二日考

試

京張鐵路廣告

敬啟者本路自南口至懷來山峒現已通車准於本月十六日開售客貨各票特此登報俾眾週知

德華普通中學堂招考新班學生廣告

新班開堂日期華二月初十日

年歲自十五歲至十八歲

程度高等小學堂

學費每學期十二元

住址英界海大道小白樓下路西